

亨齋集

李穰著

全

世謂文章之興命不相爲謀故要妙之作多發於山林羈旅之中達者則氣滿志得雖欲工不暇爲也余則以爲不然窮者而後加工雖信有之然公侯貴人之能者亦豈少哉其器宇之宏而天分之高金章紫綬若固有之者出言而金石自諧觸思而風雲自隨其仁義之翔於中者自然泄之於詩而不容掩也又焉有氣滿志得若細人處富貴者之爲也哉是故穆如之頌非閔於羈旅紅藥之詠不在於山林燕許擅聲華之宗韓范富風雅之製如是者代不乏人焉雖吾東方之作者亦然高麗之盛表表名于世若金文烈公李文順公李大諫金貞外益齋稼亭牧隱諸先生非宰樞則給舍也其未達者吳世寸林耆之數

人而已以是言之益見達者之未嘗不工於詩也予
齋季先生生于麗季長于名胄而能蹕厲不群無書
不讀閑乎中而肆乎外其為詩文優游渾厚法律森
嚴少處濁世自鳴其膏中之蘊及我 聖神興運攀
鱗附翼歷相四朝得施其經濟以紹祖烈而能以詩
笙鏞一代嘗再奉使于皇朝抵燕薊涉江淮與聞人
陸顥章謹輩唱和其都邑河山之巨麗禮樂文物之
融侈收拾涵蓄以盡天下之大觀達者而工於詩先
生亦其人也然而先生務自韜晦平生所作人罕得
見之先生歿後三十餘年余與先生之孫監察永泰
同官賃屋又比鄰相得甚驩成化乙酉春監察出守
靈川將行也示余先生亂蒿曰吾祖之功名事業銘

之鐵卷紀之青史者炳炳也而獨此文章無傳焉吾
以是懼將欲縮節官廩以圖繡板子為吾編之余辭
不獲則遂令古律詩二百九十六篇彙為四卷雜著
三篇附錄于左又竄定先生手草年譜而弁其卷首
因喟然言曰家有獎篇為孝子慈孫者尚不悉棄之
况此言語菁華之不朽者乎况功名事業固是可以
求其髣髴者乎君之子孫競欲克肖以不墜箕裘之
業者將不在茲歟宜亟梓行以博於四方也佔畢齋
金宗直序

[Faint vertical text, likely bleed-through from the reverse side]

...

100

17

1874

THE UNIVERSITY OF CHICAGO

...

18

...

卷之四

THE

1848

...

卷之四

...

卷之四

亭齋先生詩集卷之一

五言古詩二十首

孔氏漁村四時 孔伯恭別墅

春江水清滑碧草滿汀洲
伯恭愛閑曠盡日垂釣鉤
有時搖桂楫放歌月中遊
歌聲徹寥廓雲物為遲留
陶然此為樂富貴非所求

柳陰密成幄黃鳥送好音
幅巾步回渚沙白水清深
問君何為者不受世紛侵
潔身富春志濟世礪溪心
乾坤一竿竹氣味古猶今

士有早聞道瑩潔此心虛
經濟豈無策在天吾馬如
放懷穹壤間逍遙江海居
清商動萬里蒲柳影凋疎
紉蘭以為佩尊鱸不顧餘

生平厭喧鬧寄迹漁村中
偃息蓬窓下歲暮清江空
興來時獨釣飛雪隨輕風
天寒龍正蟄逝者自流東
料應真真趣觀物觀始終

自完山將適呈山避倭寇逗留連山錦州山谷
間數日行至鎮岑縣

觸熱登征途渺渺向興安
寇盜亂縱橫血流川谷殷
我非楚良將骨驚心又寒
竟夕綠山行側足長林間
路危如上天目眩俯奔湍
嵯峨苔壁擁顧眄山光殘
薜蘿爵交結虎豹驕若頑
推馬馬不進僮僕難牽攀
山盡鎮岑縣始見稍平寬
歇鞍垂柳岸溪水聲潺潺
開襟納清風快意仍盤桓
行行數日內苦樂非一般
寄語當路子世路多津關
徐徐就周道莫自取辜艱

我昔涂司業子亦仕小官隨有謁免聖并將一年終
矣以明倫堂尚想杏壇風一展書臺古訓遷史百王功
聞公精講說歷歷如掌中浮生可也公處難相同
營營率世故各自馳西東不才蒙齒錄朱紱榮徽躬
浴盡塵土痕浩蕩恩波洪每趨閭闔內素食羞慙慙
居然天不惠銀翻下青空撫事骨猶驚信甘田舍翁
朝陽初照耀宿霧收冥濛時惟在中興在位皆英雄
已明揚側陋不必憂非熊君抱鴻鵠志行當召白公
豈圖賊難料卧病經秋冬談笑此相逢喜子非囊客
他時望不淺努力扶儒宗鄙夫復焉求患氣仍相攻
寬間村酒白微雪火爐紅屢與老農歡此樂期無窮

禍福我何有行止仰蒼穹

移居書懷寄舊里平原君趙雨亭璫二首

謀挾計多遠五歲四移居士亦無停息不得事舊金
今年又遷徙卜築南山隅忸怩謝僕夫爾勞勿怨吾
人事既閑天吾又無良圖治家尚不能於國欲焉如
看君好手段我憂聊可舒

清晨戀舊居起望西南間遙遙君子堂陽陽碩人寬
世故強驅卒未成仁里歡我屋方新構誰云所止安
力微棟梁細謀拙經營艱恐為風雨搖臨食不能餐
會須固陋銷百口得安閑與君日相過詩酒共開顏

登西峯有懷判漢城趙平原君

春山花正開好鳥翔林樾和風吹我襟客懷殊可悅

周公大聖人立政極經綸負衆抱孺子白日升秋是
青蠅紛止焚赤舄遂東轅風雷大木拔天戒若明言
不有金縢書忠邪幾未分流傳禮樂存萬世熙人文
哀傷屈賈輩瑣瑣何足云

田家

我父在田家頗識田家利東作初雖同勤情終相異
勤者常有餘惰者常不足為報情農言去草宜在遠
草盛嘉穀兼安得免窮乏窮乏之至流亡雖悔亦何及
聞倭奴作逆寇掠遼民國家命將以討三島諸
以志之

倭奴依海島鼠竊以營生聖朝初御極感化願為
氓羈縻令不絕祇是為遼瀛狼心難久革陸梁負

門闕盛譔若龍鍾接人必盡禮雖賤皆欽容撥

棄星渠渠送老草廬中至今迎鳳下依然有遺舍元教

大日如來 聖明被恩波浴衣食與越從常自愧但足上

量聲各感幸夏辭命紛紛際潤色無不可第一子

仁在官至判三司事階一品又 主少前朝李海傾波

浪惡廣平屹砥柱安危身所托勤勤和濟出中外俱

悅取引用或非人殘年混珉璞權歸勢必然昔人誰

字釣先君在朝班讓退愛閑寂官顯即牢辭歸卧故

山曲走君款元公第六子諱仁 有至門下李理

可和長邑書生伏枕餘又云可歸不歸 幸子

遣聖明被恩波浴衣食與越從常自愧但足上

以泰宗祀下以畜家屬崇班又非望俯仰恒局縮福

過弗免矣中年久沉溺在吾唯順受得失更何卜明
言告兒孫儉是傳家則學問能變化存心須正直事
君思盡忠居官思盡職莫羨金帛多莫羨屋宇飾天
生分定殊窮達豈人力酒色易昏心心昏無所識無
識是狂妄行世定僵路朋友古來難要知邪正實責
已重周責人休甚疾名途與生理知止即無原小
人貪非利己小怨終成毒慎爾言行間念茲當汲汲平
時頓忘危禍生悔何及和爾兄弟保爾家為爾子孫
勸夕惕匪我言耄多經歷

應製詩

公時為吏
書判書

惟天監下土憫此民凋弊飛龍起東溟主當風雲際
神妙好財成汲汲濟斯世駕言觀天庭一朝豁

勤勞保大東，鞏固磐安勢。登崇皆俊良，巖壑少淹滯。
已令三事修，誰復尚鋒銳。放勛自欽明，不曰思作虐。
終始肯忘危，用中文武制。頌德謹裁詩，敢擬賡歌製。
仁效華封人，祝年千萬歲。

三五七言

題海峯上人巖月詩卷

山峻極近須彌，上人常宴坐皓月。揚清輝，請益勤修。
積念念學通無相，古來稀。

七言古詩十六首

寄訥村裴先生

訥村山水何清妍，訥村風月浩無邊。碧山學士好君
將詩酒逍遙遊，隣人錯比地行仙。

我來京師已五載夜夜魂夢趨園田久未拜掃先塋
傍築回南望心悽傷倘能乞假得蒙恩薦言秋日還
吾鄉訥村翁訥村翁底無疾病壽而康村樓上共
開顏酒酣拍手歌吉祥

題松堂趙政丞詩卷得第字

奎星粲粲照東方名世真儒薪相繼左相最是斯文
表善養浩氣無牽制精窮理密早升堂皎然月出秋
昊霽弱齡射策光陽門一箭收功取高第英姿正過
風雲會進趨乾坤開壅蔽為壽宗公領門生酬酢周
旋儀棣棣急管繁絃畫堂深落梅流水非塵世盛事
罕古今亦稀况又示人敦孝悌映門桃李媚青春佳
賓難選皆英銳已向明時作舟楫巨川無處終難濟

大同江泛舟次陸禮部韵平已開三月公同使臣禮部主事陸顯鴻

陸寺行人林士英等赴京師

長江西流水漱淥水底鱗鱗江上屋楊柳搖黃弄晴
暉風景依稀曲江曲使星臨照樓舡光羅衣猶襲九
天香中流絲管聲正和渚烟橫碧浮鴛鴦江流自
滔滔去自古遊人同處開筵共醉天上郎歡娛誰
似吾今遇情深屢促羽觴飛主人盡意供鮮肥洛
風詠不須說佳辰正值暮春衣放懷浩氣彌乾坤
此時物皆堪賞為報征鞍莫恣恣年矢如電每催往

陸禮部詩附

大同江水搖清淥江上樓舡如華屋主人敬客展華
筵載酒行庖慰心曲金尊漱灑浮春光沉烟拍袂羅

衣香洞簫聲揭紫崖裂芳洲驚起雙鴛鴦蘭橈不動
隨波去挾岸桃花向何處山回路轉見層樓鬢髻仙
家武陵遇後呼漁艇疾如飛網收撥刺金鱗肥得魚
供餐且為樂寧管東風吹舞衣酒酣上馬興遑想聯賦
長歌記清賞當今 聖主重懷柔中外如家數來往

題復州花指揮詩卷

花公祖偉有嘉畧太祖
皇帝以為爪牙屢立大功

後與張士誠戰為士誠所執上誠賁降之不肯
屈士誠令斬之罵聲至死不絕其妻聞被執知
其必不受屈永生會家人置酒成歡教其子曰
汝須保全以守家門妾當死矣遂自縊家中有
死者亦多有之帝聞之追
贈謚曹丘侯大加賞典

古今天下幾英雄汗竹亦鮮如花公許國忠肝貫日
赤至心效死家門同我行適到復州城等見親孫采
與兵年少才高罕儔匹戎夷共服風火生公乎努力

善繼述頓令天步長昇平一

次陸主事登州海市詩韵

海曙雲收天欲明海中島嶼遙可見陽鳥飛出海氣
升萬象緣空各形現古老相傳是海市奇觀異態紛
更變畫閣朱樓知幾重暫時炫耀非所羨對此堪翫
亦堪恠今古幾人能細辨由來外物多不真預知順
事為至善

奉次章天使詩韵

養心必須存勿放取法要在求諸上屢指古來名世
人五百年間繼相望幼時挾冊參胄庠自謂壯行當
贊襄即今四十無聞焉悠悠獨立意蒼茫欲向山家
恣游遍送盡暮齒無他戀翻然恐有德璋文林泉羞

見周顒面斯文本是憂患餘何用咄咄空中書唐虞
遜矣挽難迴末學誰為君子儒掉鞅乘興子散雪對
影成三太白月星移物擾幾經秋雅量高風競稱說
顧吾慵甚敢希賢榮枯出處從皇天宣聖撫袖席不
暖喟然興歎臨長川寧嫌及唇有姑婦信甘萬事皆
牛後君王不知賤士癡擢置朝聯並才秀驚頑肯免
蚩蚩氓臨事懼未通權經頻將使命赴中州每懷靡
及常屏營成服遙憐沂水春忠魂為吊淮陰墓英村
北志俱塵埃俯仰堪興悲世故揚帆順憂石頭城清
晨隨例趨王京孝陵文命敷四海傾倒揚江洗甲兵
丕承聖德侔穹壤况此雄都儘佳麗仁恩普洽先孤
鰥禮樂雍容師典記妖氛安得近嵩邱寧宇混合如

括囊一張一弛無一失神功盛業掩前光濟濟群彦
盡年少龍墀日踏鐘聲曉旁求隱逸用詞臣都俞畫
策常了了不許東登泰山封平章百姓唯執中小臣
承寵出都門氤氲瑞氣浮天東載驅駘駘過畿甸霜
蹄疾若閃驚電皇華原隰兩儒賢清秋鷹隼得風便
朱旗照耀川陸平令奔裝出爭相迎停鞭久立向遼
墟緬羨令威能長生商山四老與世絕蓬島安期亦
利涉有時頗疑吾道非却笑未知葛藟悅溪流走下
波粼粼瘦馬凌兢顛蹶顛開州舊趾峯巒集南連巨
浸無涯津引雛白鶴江漢濯意在丹霄眼高著嘹唳
一聲岩壑幽傍人誰識予心樂照水山花渡水香采
薇采薇柔可嘗浩蕩乾坤氣塊塊形形色色依玄黃

簪鸞羽仙未易遇悵望雲蘿空有行輕舸徑截鴨江
波波靜喜無蛟鼉慮縱日危樓野興長落霞孤鶩飛
斜陽漁舟泛泛挺又入棹謳驚起雙鸞鸞稚童田叟
紛來去閭巷炊烟生處處保州刺史真丈夫敬客開
宴展歡趣滿前佳景圖盡如放懷痛飲情無餘座上
使星色相射觀者雜還仍踟躇八音鏗鏘含萬古絲
竹革木和匏土當今廊廟登伊周區區蕪薊徒尚武
孫吳衛霍聲深衷好謀直欲收奇功大化東漸徧兩
露拜手老幼懽呼同誓將一心奉明訓及覆小輩奚
足論梯航殊俗倍前昔人人感發思效順字小溫言
下宣麻天教世世保邦家杳杳玄玄千載下垂衣復
此見重萃魏徵贊唐實多藝戒以思危謨獨異人心

遷變固難言說信胸徹輕忠義北辰居所大空青依
舊昭昭環衆星迺生只願三階平優游聖澤醉還醒
隱居何必天台嶺心安即是神仙境會營菟裘老棄
鄉幸有先人田十頃

壽寧校

磨天嶺峻壓東溟俯看黃道行日月雲霧冥迷洞門
深長林巨植交蒙密溪流便是聖之清倦客卸鞍心
所悅尋源忽得仙家校異狀奇形難具說見爾纒聯
如索綯知爾相湏不相失托身可涉世途危奚啻席
時竟蹉跎腐儒衰晚有携提天意固應憐病渴氣備
強柔韌且堅實愛不下震鄉壁草堂桃李謾傳名昌
黎赤藤已陳迹杖屨杖屨從今至期願與我共休息

或步江天逍遙遊或上高山望八極慙慙扶我隨所
之莫學爲龍飛不測

金憲選辭職判事赴試登第還鄉得美字

昔我摠戎西北陲初識金君柳營裏柳營武士多桓
桓銳氣少與金君比談兵早已長千夫好學仍無究
經史研精義理得透關黑槩紅旗非所義對策金門
筆生風氣衝星象無並峙聖心虛佇重才賢優禮
豈啻陳四筮海東治道盛於斯於變可擬陶唐氏古
人事君能致身男兒有志當如此君今汲汲去何之
寂寥故里唯桑梓風雲際會實爲難莫耽永明山下
水年來久不贈人言送子吾無隱乎爾

次牛山長老卷上韻名契融

早向曹溪傳派止却從詞伯共題咏德山直脉驚
連貫島新詩冰雪淨藥鼎茶甌方丈清松風江月良
宵永從師欲借一床眠拄杖袈裟非所競
遊方早歲携筇杖遍閱名山窮翫賞迹與浮雲自不
拘心如沾絮誰能蕩震無極處固非中洒掃由來終
徹上何日禪窓共一燈細論至理去諸妄

題石灘李先生

存吾詩卷得釣字

李氏新羅大姓昆先生節義又殊調擊奸秀實竟連
時避世嚴陵便垂釣事去高名並日星灘空兩岸唯
蓬蘚承家忠孝有雞城餘慶無窮前可料

次春川昭陽江亭板二韵

昭陽江水凝槐烟昭陽亭木叅雲天地脉遙連長白

雄山容拱揖欄干前憶昔春城全盛時遊人雜還爭
先鞭繁華行樂成往事萬古滔滔唯逝川主人敬客
迎于郊周旋中禮身頽然人情世道漸澆漓喜見正
直朱絲絢矧今國祚方昇平明良相遇應千年盤中
異味有楊梅竹酒高吟開好懷我衰又病不欲飲興
來未即辭盈杯英賢過盡留新詩陳迹依稀石上苔
蒼波溶溶淥可掬白鳥閑飛去却回秋風蕭爽精神
清長空杳杳無纖埃邇來學者多經明問誰能效呂
東萊平生深疾色取仁緬思九原歎冥冥俯仰乾坤
心難窮白頭愧作征蓬客

獨谷大先生以詩贈鄭司諫餘得上字

明時承寵入徽垣曉漏常殘宵漢上咫尺天威白日

溫繞身香氣青系颺 聖心憂世欲平治所以搜訪
庸直諒陽城佐唐未爲優子陵辭漢謾高尚至今折
檻猶流傳千載朱雲誰敢謗

獨谷詩附

我愛鄭司諫行藏聽自然胸中唯報主頭上豈欺天
柳重九門曉蘭殘三徑烟八旬老座主高卧看鵬鵬
送金公出牧耽羅公諱素

明時承 命向耽羅萬斛樓船如駟騎海若前驅蜚
氣收天吳後擁帆風利忠勤只欲報消埃跋涉何曾
論險易威烈忠勲流澤長知君不負青雲器

題李觀察

貞幹卷上

慈親歲老近期願孝子情深常愛日寵祿明時榮養

優壽觴佳節萃這秩班衣皓首感人心寶瑟清歌協
聲律滿眼兒孫多俊賢須知世世作良弼

陪臣李稷奉次 皇帝賜本國世子詩

聖人垂拱臨四域建極明為天下式紛然萬物各生
成蓋緣瑾瑜瑕垢匿重譯殊方百般容梯山航海通
商工唐虞尚有頑苗梗聖德直躡三皇蹤安南小蠻
肯肆謫迅雷一震真俄警衣冠濟濟盛朝儀熊羆外
擁如環埒小臣隨例立明廷白日照輝乾坤寧錫宴
丹墀已踰今况近 天威咫尺行旣飽以德醉以酒
王山入眼顏如樓天樂鏗鏘隱半空紅雲繞殿凝祥
久見舜史開夔擊石恍然不覺是何夕胡歌越舞共
恩波閭闔晴開窈深饋吾王述職誠于享保我生

民分土塚世子朝天弱冠年跋涉幾多馳奔勞苦
嘉歎心無它賜寵仍觀學詩才三歲自古禮文邦君
臣大義安敢隋仗信世守東門輪布昭聖武除奸惡
但願年登萬姓安古來固國非城郭

王荅先生詩集卷之一

亨齋先生詩集卷之二

五言律詩七十一首

題周天使倬還朝詩卷

大統尊洪武諸藩荷寵光
星辰環北極雨露洽東方
祖席擗搖綠征途集墜黃
贈言須記取好去佐虞唐

釋方寺二首

招提臨絕頂祇樹集中天
山海南方豁風雲萬里連
洞霞收彩盡蘿月送涼偏
靜坐松榻心清氣亦全
暫入青蓮界機忘縛佛前
綠蘿任繞繩翠柏迥蒼天
恍惚三生夢空虛一味禪
存心只在我不知云山偏

小雲庵

摩訶古山寺高僧昔道林
談經終日影雲峯
詩卷

孤戍雲常在溪喧地更深邇來兵不息安得卜蘭岑
傷田家

三學今夕笑更值事干戈丁壯皆從役田園誰種麻
官勤勸課婦女謾咨嗟欲訴元元意天高無奈何
病松

百尺蒼髯樹曾經幾雪霜風枝元崛起雲葉葉凋傷
誰識歲寒翠友同秋草黃猶餘直幹在亦是採明堂
題訥村裴先生書堂名仲孚二首

掛冠辭綺陌養性隱村墟倚樹任為樹今溪別作渠
春秋催稼穡日月講詩書今我亦何事於焉近卜居
富貴同春夢賢愚共草墟但教心坦坦不必屋渠渠
靜坐常扃戶閒眠懶讀書擁籬松竹秀吾亦愛吾居

府主陳公乘車來訪以詩謝

行春課農務仍叩野人閒問里光輝動包容禮數
彌衡狂自若宓子政長閑邂逅寧非幸當年共多冠

偶題

山齋依澗壑輪鞅絕郊扉喜著新黃帽深藏舊紫衣
鯉魚緣卷走野鳥入窓飛屏迹耽幽事甘從達士譏
乾坤百年內身世一荊扉飲酒為長策遊山製短衣
露寒朱果熟天遠白雲飛秋興那禁得狂歌任被譏

隱溪詩卷

華嚴宗都僧統幻丘菴名

隱溪釋祿幹道熟却同塵領袖宗門久流傳祖派真
胸中華藏海眼底浙江濱老去一菴穩云山紫翠新
奉次獨谷先生闕庭槐樹詩韵

槐樹承恩澤彤庭滿地陰紅雲相接近紫闥倍清深
當暑生微雪論錢抵幾金願言固封植永使後人欽

題李判事六實守墳廬

養志又廬墓共稱能克家哀傷修祀事寂寞守山阿
冉冉流年迅綿綿宿草多每濡春雨露感慕意無涯
分司新都送陳中樞乙瑞往舊京因寄危駕諸

公

今日送征旆幾時朝紫宸漢原芳草嫩松岳慶雲新
壯望無休日南留又送春看花意不慙還憶舊交親

開州站舊基

一名之損連連語謂血色也謂殺人多血成誦也○甲寅十二月

公奉使赴金陵時作

金山曾據此城郭有遺基絕險天雖設偏安計已危

力微難自振時去欲何為流血川留在長令後世悲

大元初大遼金山王于據此城不降卒為元兵所陷

沙嶺驛

沙嶺孤城驛吹沙盡日風堅冰橫古渡密雪暗長空
洗盥傾樽綠園爐近火紅皇恩隨處重誰復哭途窮

兗州路上望闕里

闕里尋何處山橫兗府東徘徊洙水渚悵望杏壇風
憂冀千年後洪鈞一氣中吁嗟獲麟筆萬古有奇功

鄒國公廟孟子

闕去異端學講明先聖書平治為已任游說不遑居
寂寞孤城裏興衰百代餘克禪嚴具禮盛德滿堪輿

除州途中

萬里朝天路東韓執壤臣江山馳駟騎宇宙見主春
驛柳搖青線村花吐絳唇行吟興不淺剗得賦詩新
宿鳳凰山草地次陸禮部韻

晚次鳳凰山山深開細路明帶雨花亂颺舍風樹

客裏感年華醉來忘世故裁詩愧大巫遣興遂同賦

次章寺丞辭京詩韻

余於是行同陸主事林行

賜又致承帝命同通政寺丞章謹文淵閣待詔

端木禮奉詔命印章回還自開國以來初受命

故舉人亦皆榮之公遂州若衛皆設宴以

享使臣命也章端公公途賦詩皆次其韻

御酒傾天陞宮衣著禁城陪臣殊荷寵多士共稱榮
渤海波初息鍾山日正明言歸同使節飛傳覺身輕

童寺丞詩附

玉節辭金殿驪駒出鳳城風雲增氣緊草木動光

榮與貢山川大堯天日月明敢期專對畢歸騎

裝輕

次章寺丞題安定聚星樓詩韵

樓古無名章端二公始名之蓋

使星聚也

使星臨海國萬里耀光華相對憑風閣如乘貫月槎
詩清神有助興逸意無涯莫謂三韓迫乾坤屬漢家

木州途中

匹馬向南州馬頭千疊山敢辭行地遠未定築居閑
日淡松杉上風狂宇宙間歸歟何大晚鳥倦自知還

送舍弟如京

時陪家君居星山

送弟長安去春郊細草微途窮予已矣親在爾何之
衮衮川東逝行行鴈北飛鄉村綵衣舞獨立不勝悲

同氣亦云衆孰為能克家清貧嫌我拙淳朴喜君多
塵起風常急山重路更賒行行須避險莫自取蹉跎
時出堂

昔蘇端明貶黃州作雪堂於東坡若將終身至
今傳稱善處變焉余於今年春以叅贊門下謫
來是縣即陽縣中人居皆狹陋如值風雨暑濕
主客俱有妨於是卜直山之陽寺串之西簷葺
誅茅築室三間名之曰時出蓋取中庸淵泉時
出之義也居是堂者思淵泉之有本常存戒懼
其於進退出處之際亦無愧於雪堂之主矣因
書五言八句以記拙遲之趣

舊聞雪堂製今亦有柴荆耕慕固先覺吟同楚獨醒

水連西海碧山、四窓青盡日輪蹄絕荒蕪任小庭
地僻無餘事林間手拾荊煮茶泉甚美時簞酒能醒
客子頭須白田翁眼自青瓦盆堪送老多病阻彤庭
之州新客舍

城郭留遺趾榛蕪不計年經營新館宇控壓舊山川
永保生民業皆稱大守賢他時人物論威惠並流傳

次青洲板上韵

宦遊蓬海畔節序屬秋成水濶奔濤壯雲開列岫明
土風崇猛士鄉學盛諸生不見遐方俗何知教化行
次端川板上韵

征車無暇日驛路入邊雲韜畧寧為將心肝欲報君
朱旗翻海岸白日照天門回首驚行隔何時共駿奔

次吉州夜上韵

報主無他策勤民只此誠一鞭循北塞八月喜西成
壤地連戎界衣冠隔漢城鴻飛向南去羽翼順風輕
昭格幾致齋次上詩韵

道在清虛裏壇排秘隱名齋明開醮席縹緲叩天扃
露氣神但爽燈花夜共清至誠知有感本是愛民聽
送同年成摠制奉使賀正 成公石珣

祖席一樽別征途十月交駢駢踏霜重渺渺一雲霄
宇宙三陽動揚航萬國朝羨君參盛禮見舜更聞韶
趙平石小君臨詞

久謂鹽梅用俄驚薤露悲人情誰不惜天道正無私
悽愴山陽笛塵埃謝滅基謾看和紹在而我病仍衰

雜錄

到安邊府別成州牧使還官

牧使族人李陽也

我愛成平守清孤心不田客形頻醕酌惜別久能細
東海朝陽動西山宿霧開加餐好歸去莫作神宣氣

次黃岡縣駕鶴樓詩韵

登眺耽佳景能細不覺留山光秋更好雲影水同流
生有蒼青眼客悲新白頭時清年又熟幸此得閑遊
權陽村挽

一代群公表三韓積善門文章超等級道學有淵源
奉使曾重對傳經更立言傷心梁木歿天喪可勝論
將適鏡城奉別都巡問使谷山君延公

涼

公向天門去予宿塞微行老年情易感別路酒頻傾
秋半寒風惡山深畏道橫主憂敢安宅星駕促晨

征

次河副令題龍津縣新山城詩韵

巨浸周山麓驚濤駭浪前城因千古地圖獻九重天
水陸虞何有舟車利自全後今東土俗永頌萬斯年

次清州金生負漢新家詩韵

屋宇新經始山川舊野精天因元氣作地以時主人成
頌禱辭皆善家門榮必盛勸君勤問學一區生代正休

明

同年成判書石渠葛亭

郭外林亭迥蒼前野葛長清陰涼散得翠色已深翠

葉爲題詩摘花同解酒嘗豈唯絺絺可補舜衣裳
每遇尋益友相對只真情醉倒忘身世醒來謝聖
明林花風氣暖葛葉雨聲清拄杖扶行穩高車不足
榮

送柳三宰奉使燕京得公字

祖帳春郊外乾坤淑氣濃入朝申賀禮出饒會群公
天闕雲霄迥星軺道路遙知歌湛露荷寵醉薰風

次李安城送別金州牧使金控制

漸詩韻

推賢公議衆出鎮古城雄職在安危係民宜好惡同
繁華非舊日淳朴有遺風幸值昇平際恩威要執中

用前韻送全羅道都節制使盧控制

龜山

南服興圖廣元戎節制雄熊羆前後擁雲鳥古今同

一笛閑山月三秋草樹風唯應柳暗處
到北堂中
次送詹長老

昔曾聞洛山直欲一登攀苦被功名累終棄水石閑
飛空看錫杖側足愧塵閑若見白衣聖細傳玄旨還
甲午年冬十月奉使赴燕京奉別平安道都巡

問使崔公述

舊日銀臺裏會香共事君悲歡俱向老去住更離
群水雪燕山路旌旗淚水濱相望數千里幾費賦停
雲

題天王寺西樓

乙未年滿星山寓此寺過

小麓城東起中高眼界寬
峯回難覓路林茂自成欄
靜裏春風暖吟餘白日閑
老懷無所掛何處不堪安

杜門久不出愛此僧廬幽賦命有榮悴於人何怨元
墻葵傾向日年矢疾如流燥濕絃誰辨唯天在上頭

砧村

砧谷林棲僻絃溪逕草深眼明山列障心醒水鳴琴
計拙人誰記年衰病易侵閑居全性命倍効祝堯心

書懷

去國緣奇數居鄉異考槃檢身諸病集信命此心安
竹密能消暑爐存不畏寒菜羹甘可飽漆謝聖恩
寬

砧村四時二春

青帝司元化和風有大功草抽新葉綠花綻舊枝紅
燕雀營巢意蓄雷傲載同物皆欣得所長嘯任途窮

夏

小樓雖僻陋亦足避炎蒸風至竹聲爽月明松影澄
寸跡遠聖代計拙少親朋時祭儀多缺誰憐舊位
米

秋

不眠坐長夜金氣透衣輕照壁鏤餘影緣階蟋蟀聲
雲飛天宇淨露冷蕙香清老我何思慮唯應順利貞

冬

萬彙俱衰息無非返本根不愁身漸老唯欲道終閑
傳柑川水合衣門朔雪繁遙憐古賢哲臥以未忘
早春有感

大化流無息東風去又來
寒風吹雪寒風吹雪寒風吹雪

放浪江湖志沉綿土木骸將期稍暄暖長嘯登臺
早梅

小樹瓊為幹寒花雪作英月斜疎影散風細暗香清
東閣詩人興西湖處士名久知聲聞過今日見真情
村中父老皆言今年大熟

聖代膺千載和風塞兩間田家矜大熟海水

民多暇柴薪夜不闕祝君更何願只是戒居

安

自遣

浮生須信命處順後焉求暖日尋芳草清風倚小樓
山銜雲氣秀谷帶水聲幽靜裡身心穩陶然任滯留
故山閑屏迹京輦想趨朝松竹東臯近星辰北斗遙

吟哦緣遣興歌嘯豈宣驕自笑摧頽甚猶思賦角招

聞晉山府院君在定平府捐館

屈指數門族年來多喪亡又聞公不起益歎世無常
雲斷關山迫魂歸道路長自稀春相杵流涕幾人傷
朝鮮開景運英俊應時生處事通情義陳謨出至誠
遭逢千載會網紀四方平史筆波濤在流傳後世名

次澄粹軒詩韻

法林寺軒正

何幸作閑客試登澄粹軒溪流堪濯熱園菓足供餐

三乘法具存塵蹤如可住將欲省吾言

吾愛月窓老談玄坐竹軒已知珠是寶誰肯玉為環

藤葛深根固烟霞古態存欲從師結社却愧此心丹

久居村中備嘗民情平民稍有衣食便已驕人

不樂之疎族屬尊卑官職恣行已志輕蔑法禮
以厭俗之變詩以志之

法已方迴衆民何不再淳自甘新野客誰記舊朝臣
冠履載賢傳草風聞聖人四維寧小弛村老議無回
月窓金景惠廟子并詩次韻

法林岩壑遠回首望雲巒尚想空門樂深悲世路茫
詩能開快悒扇又從清涼善講多方便令人入道場
水石山中寺桑麻野外莊靜之常靜之無事務大匆忙
未斷塵根固思添以雨涼公餘講說爲我一開場
登法水寺南樓次韻贈道望

昔年曾一上今已重臨拱揖音聲喜古音深
溪流驚確磈雨氣出遙岑看天際可與吟

過松谷先君舊居

木盛成幽逕荷生滿小池石田留稻黍竹葉綠兒
而望思無極溪山幾自奇白頭蒼耳歸來日
次裴錦山先訪留詩韻

蒼似顏回陋寓非邵子安門處常冷落新詩古盤三
惠有盈壺酒食無下筋餐歸逢方句墨梅不挽離
病到衰年教心知之不變精神每惜壯氣力之桓桓
友信貧猶在詩雙美可餐何時剪春風月字每聯安

天樺知誰故赴金陵詩

送別郭明外無端兩眼寒天時繁雨露驛路幾關山
已盡春光去寧憂此駁難此行誰不羨官達正紅顏
梅軒送西麓以詩答之

西菰大如瓦問遺惠殊常一嚼甜同蜜除煩氣似霜
真堪供御膳何得以吾嘗又見珠璣到行行日月光
梅軒詩附

病中得西菰奉呈李相國以謝惠藥

幸得西菰大圓圍實異常皮青似玉穰白定如
霜未足充無味唯堪薦一嘗藥止蘇病肺難以報
恩光

挽卓參贊

早來慕洙泗性理達魚鳶游夏文雖繼淵騫行自全
謂將舟楫用驚此已辰年一聖主榮追謚光輝動九
泉

五言排律四首

砧村

萬古星山秀砧村地又偏茅茨欣有托桑梓敬相傳
車馬塵何及門庭日寂然興居隨意穩踈懶夙心堅
竊喜淵明趣多慚謝傳賢過從皆老圃登眺或層巔
遣興探佳句澆腸掬細泉磬聲烟寺裏樵唱夕陽前
滿目真如畫安身即是仙奕棊近日月儒術免戈鋌
憶昨狂奔走那知有靜便紫衫承茂渥丹陛靄孤鶩
騏驥猶嘶擗駕軺早著鞭何曾記撻鞭只欲報埃涓
倏忽違天闕蹉跎傍海壖消魂侵瘴癘破膽起烽烟
乞米春連夏沉綿日抵年豈由雷忌刻祇是數巡邏
幸值中興代來耕故里田忠良扶社稷廟正經權
揖讓同華夏詩書講御道知人難自古予聖察宜先

小吏誰能制群機未易專情須通達遇事可解拘繫
病渴憐泉潔心閑味道玄采蘭亭馥馥步月喜妍妍
嘯咏情懷豁沉埋性命全自甘勤稼穡不願躡班聯
後悔終安用前非庶可悛此生吾已斷何必問蒼天
己卯三月受西北面都巡問使之命兼陪侍
太上殿真容奉安于平壤府蓋循古事且從土俗
望也安州以南大小守令會于是府盛禮奉迎
大備儀衛兼陳雜劇樂具以奏擬於京都自域
中暨外村父老男女咸集大同江邊瞻望行
殿嗟歎自驚曰遐裔之民適逢 昭代獲望
聖容幸莫大焉云

平壤國西都分司舊制遺古來偏眷顧今亦許時宜

白日容光照紅雲接地垂奉迎儀大備蹈舞禮無乖
競沸鄉唐樂誠懽父老思江流涵聖澤山色映龍
旗和氣兼春盛薰風盡日吹小臣叨際會祇祝萬年
基

送平原君趙兩亭出鎮平壤

諱璣

箕封曾裂上平壤有遺城自古名都會于今巨鎮營
衣冠猶禮讓經畧尚分明地接遼陽近江連渤海清
邊民生理拙邦賦歲收輕聖主分憂重宗臣料事
精謝綦真雅量信鉞本能兵敢忘安危体須知好惡
情無私堪御衆有備可圍寧宇宙春風滿洪纖品物
亨野花開灼灼林鳥嘒嚶嚶已嶺雲迤邐彭原路香
真相從難屢得別酒且徐傾

亨齋先生詩集卷之三

七言律詩六十四首

觀稼亭

星山南麓壓郊坳，剪木誅茅製草亭。
十里烟雲開畫障，百年身世倚松櫪。
澄心靜慮真長策，明月清風自大庭。
適意逍遙更何願，菜羹蔬食免浮萍。

暮春有感

春入山村花滿烟，春辭幽谷草連天。
燕尋舊主巢窠窠，鶯轉高枝羽翼鮮。
枕上功名真已矣，壺中日月豈其然也。
宜省得濂溪老在草青青滿眼前。

書懷

異鄉衣食苦難繼，古里桑麻今若何。
夢裡屢尋隣叟。

去門前不見故人過十年北闕恩波洽六月南方暑
氣多自昔高車帶傾覆終須長往學餐霞

次韻寄金海裴黃庭

歸來空谷作閑人嘯月吟風養得神鶴唳似知仙府
近燕飛猶賀草廬新青松翠竹留春色白石蒼苔共
水濱為報故人丘壑趣瓦盆從此老吾身

光陰流轉大忽忽世路誰人肯駐容熟醉阮生真得
計歸來季子竟何功招賢臺峻烟波闊去鳥山深草
樹重耕隱黃庭最相憶若為飛去揖高風

九日鄉中諸公邀李陶隱登高陶隱有詩奉次

韻

秋山到處盡堪留况此開遙最上頭暗淡風烟粧令

卽歡娛人物匪他川忘形正好傾樽蟻高蹈何須狎
海鷗歲歲斯遊常共保休嗔薄酒勸綢繆
鴻樞聖主故山巔勝事應傳此日遙景物自多塵外
致賓朋盡是飲中仙紫萸萸菊無虛歲麗句清詞有
繁篇千載孟嘉真達士醉從吹帽樂陶然

陶隱學士詩附

弱齡觀國偶淹留憂患令人了白頭美景良晨懷
舊友淳風厚俗少吾州歸來正似千年鶴浩蕩還
同萬里鷗屈指有誰能記憶招呼今日感綢繆
折簡相邀上翠巔秋天渺渺散華筵已將禮數同
鄉黨更把歡娛擬地仙落帽龍山真勝事傳杯杜
曲有遺篇人間俯仰成千古樂極還應一惘然

送僧歸智異山

頭流山峻翠重重滿地叢筍倚壑松長老側金開寶
刹上人飛錫駐雲蹤廉官未即辭朝幘茲省無由聽
曉鍾他日相尋定何處薜蘿烟霧鎖西峯

題大明使臣馬麟思親圖

家山縹渺白雲端遊子思親久未還通籍十年官濟
濟望鄉千里路漫漫心閑竹在盤餐美夢入宣堂綵
服斑堪羨伏波餘澤遠一身忠孝兩能完

送高將軍觀親耽羅諱鳳禮

恩許將軍觀舊林秋風天地氣蕭森一樽送別黃花
酒萬里歸寧絲服心佩劍影搖帆帝疾帶銀光照
波深想若鄉黨來爭賀共慶歡娛罕古今

次黃牧使子詩卷韻

推頽院宇復修新積善相傳有幾人
撥誓施財依釋教推恩濟衆近吾仁
承家子已無居右取友子將不失
曰何日南樓共床榻一年塵土謾馳神

留登州待風

登州館裏春將暮從此吾行復幾程
地隔東西懷古國海環南北抱孤城
魚鹽自足生民利舟楫能留遠客征
盡日看雲愁只睡波濤浩蕩白鷗輕

燕府南城懷古

皇元承運御堪興四海朝宗奉帝居
一自權豪偏好惡終令社稷作丘墟
螭盤破礎窮奢後龜負殘碑取信餘
聖代已還冠帶俗臨歧誰復久唏噓

次章寺丞韻

千年往事入漁歌一點之采壓海波欲望仙山迷道路獨留飛閣近星河徐生肯採瀛洲草秦帝徒聞米堅荷尚想當年在行幸至今遺跡警人多

右蓬萊閣韻

多少舟人乞此靈仙妃遺像若平生風微夜靜波濤息月照沙明宇宙清義重只知終報主魂清却換已登瀛可憐童僕無心事鼾睡通宵任水程

右沙門島韻

題登州景推官思親軒次端木待詔詩韻

浮生如水絕還波造物無私孰肯阿歲久壓原荒宿草春來祥木長新柯羹牆每喜容相接霜露終教感

更多已矣晨昏難之省謾吟風樹奈何

端木待詔詩附

萼萼光陰逐逝波空瞻松柏滿山阿三春雜雜雲
連野五夜烏啼月滿柯綵服老萊情獨重青衫司
馬淚偏多今予亦抱終天恨萍水相逢無奈何

次陽川客舍亭子詩韵

一帶江涵萬里天奇觀勝景集欄前雲山遠繞孤村
外水鳥雙飛駭浪邊客子光陰垂領雪漁翁身世滿
汀烟從茲直向五湖去長與鷗夷共几筵

次鏡城板上韵

高秋眺望郡城頭露冷風淒塞霧收將達七書誰敢
侮塲登百穀可寬憂東南海闊乾坤拆西北山多道

里悠最喜遊陳成禮俗青衿敬近使臣遊

入慶源府贈兵馬使朴公

公諱嶺前朝元帥尹
璫伐女真及山戎過

此州立碑先
春嶺以志之

聞道坡平尹侍中曾從此路領元戎邊疆永定先春
碣後世難忘大將功男子只知忠義重天心自有是
非公往來途說何疑懼今古明良所見同

昭格殿致齊次板上韻

青青松栢擁瓊宮羽蓋霓旌駐此中十遍說經邀道
侶四時行醮聲宸衷夜間鳴鶴月華白晨拜驂鸞
雲影紅怡悵無巨留玉境茫然獨立仰玄穹

題桑谷別墅

成判書
石刊書

別墅初非樂之樂為園休沐占清寒桑麻霜霽於春

色松栢蕭蕭度歲寒
傍柳扶筇織草山
坐苔垂釣小
溪灣
他時若借三間地
黃髮相隨共盡歡

送同年鄭判書_知奉使朝京

聖明天子御生靈
聲教洋洋暨四溟
氈帳自無南下
牧
越裳應有北來庭
誦詩昔日三冬雪
披霧今朝一
使星
專對歸來及佳節
團圓笑語眼雙青

僕當暇日檢篋中
書籍於亂帙得見公
所贈詩
不知何時到來也
是必我不在
僮僕受焉藏之
不告以致失入亂帙
使吾不得見也
讀之令人
起聚散悲歡之懷
因用來韻吟成一首
奉呈壯
元葛亭先生

屈指悠悠思宿昔
紛紜世事不勝悲
草深舊里過從

地鬢變當年少壯時久竊龍光祇自愧敢將風俗頗
能移終當乞骨江湖去釣罷仍無洗藕絲

癸巳秋受東北面都體察使之命到安邊次

駕鶴樓板上韻

問誰經始構州樓仍記前賢傑句留筆迹如新人盡
換山容依舊水長流世間行止真漂梗客裏歡娛正
暮秋遊宦十年頭皓白多慚晚悟二眉休

登磨天嶺

衰遲正合老菟丘何意柔輶復此遊七八年間三過
嶺一千里外獨悲秋霜凋赤葉山門麗日上蒼波蜃
氣收奔走經營人莫惜聖君宵旰為民憂

夜宴永興府望京樓

望京樓上望京華
歸意難禁漢水涯
濟濟衣冠依舊紫
極迢迢關塞對黃花
澹輪影靜賓筵扶
鳳管聲催舞
柱斜
聖代又逢賢道主
開懷痛飲至無何

奉別都巡問使鐵城君

衮衮川流漾碧漣
臨川不覺久盤旋
宦遊會合皆親
友歲暮情懷更別
遙赤葉隨風飄席上
黃花帶露映
樽前歡餘最好
乃吟咏醕酹寧論道里懸

次河副公韻別具經歷

早知吾子用心真
又見公勤不有身
入幕幾多參策
畧望雲時復念昏
晨男兒出處無非命
世路功名豈
在人巡問相公文
翰老好將誠敬事如親

題沈都僧統卷上

富貴浮雲向道真瑩然心地自無塵過後盡是文章
伯彼我曾忘夢幻身落杜高風誰復繼廬山往事已
成陳何時共坐禪窓夜靜話三生石上日

璣峯僧海璿號

雲去峯頭露本形峯峯奇絕世人驚氣鍾神秀塵難
染色映天空月共清三衲老禪常在定一時詞伯盡
題名吾衰亦愛僧家靜會向沙羅樹下行

甲午十一月十一日 帝御樓殿賜宴

寶座巍巍倚大清特承恩命上青冥臨身白日生風
暢遠殿紅雲瑞氣橫奏樂如聞變搏拊垂衣復見寧
儀形無由仰蒼皇天澤祝效封人只寸誠

奉次景福宮別殿前新池韻

迭殿新池帶瑞烟石龍噴水白靈泉氣同圓像無
累形似方諸現衆妍黃道向臨明日表紅雲相接映
經筵誰能導霈恩波過灌盡嘉禾滿南田

冬至

一寓僧房已二年小爐燒木閉關眠陽無可盡方來
復病莫能興只自憐禮盛三字千歲壽雲高五色九
重天寂寥今日空回首誰記承亭哭杜鵑

次蘭大師詩韵

九天庭院衆聲繁終日無人可與言賴有比丘能在
錫共論禪旨細尋源化工神妙含元氣品物生成在
厚坤畢竟有誰違定分茫然獨立仰天門
陋巷人稀自不繁小軒危坐靜忘言五位靈謾說心官

體微妙難窮此海源世事早曾安義命占辭誰復議
禹坤會須尋得禪窓去一問二摩不二門
村居有感

何用浮名絆
滿明鏡今朝
遠仁想者

新構小

竹為梁棟竹
地清新山水
滿天遙望址

自道

每傷神黃扉昨日青雲
窓曾寄傲一瓢顏巷不
予花同是春

不費錢運拙規模回
暑翠凝簾月影轉空涼
環拱綴珠躔

循環氣數有身除否泰昭然大易圖止赫青繩何是

疾觸羅黃口只緣愚拙窓靖節開三徑短棹鴟夷泛
五湖固有渭濱人不識也宜工部混混塗

登祖巖寺臺懷古

祖巖寺廢而頽牆臺上萋萋碧草長盡日涼風來左
右連雲密樹聳中央片隨水轉非前日花映林開自
舊香却憶往時高宴會幾多歌舞醉紅粧

九日與東隣李自修對酌

李氏鵲臺慰寂寥况當佳節共登高霜凋赤葉風烟
淡酒帶黃花氣色豪老去追歡今日勝古來浮世幾
人何須更說龍山會爛醉忘形託聖朝

秋日遣興

松翠楓丹活畫奇鴉喧雀噪晚禾垂飄飄自下經霜

葉樵悴猶傾向日葵靖節只應耽飲酒堯夫似是愛
吟詩百年世事真堪笑石火光陰兩鬢絲

九日訪法林社主月窓方丈

興來扶病上巔嵒尋訪閑人雲水間遊宦十年真似
夢相逢一笑暫開顏青松翠竹禪軒靜赤葉黃花令
節還軟語清茶多所樂不須吹帽在龍山

草樹經霜錦繡鮮跳丸日月逐流川百年筋力誰常
健九日風烟正可憐野興好憑詩句遣清歡難與俗
人傳更從廬老聞禪話到得亨真却自然

次治隱先生卷上詩韵

吉甫

考槃高卧舊丘廬寂寞門庭俗客踈靜重功夫應日
進閑中甲子有詩書浮雲軒冕誰能擾細雨池塘或

自漁只惜明時居盤上果哉終不入公車

次裴錦山詩韵

明府星山第一流歷揚清要早歸休田園復見陶彭澤詩律仍兼趙倚樓聖代昇平興禮樂邊藩帖妥

催旗旒孱安亦幸恩私被穩卧鄉村兩鬢賓秋

星嶺南頭小澗流園茅亦足庇身休山園閭巷竹成陣門絕輪蹄塵滿樓白髮自知同襪線赤心難禁戀玳旒跳丸日月真駒隙又見春殘近麥秋

鄰校學生致釋奠膳酒來

釋采春秋必致膳為曾通籍九天門聖朝尚德新民作鄉序明倫古禮存白首先輝驚陋巷黃流氣色溢芳樽山林軒冕乾坤內到處無非雨露恩

春日

澹蕩春光日夜浮
群陰消剥闇然收
草抽嫩葉尋幽
徑松送寒聲倚小樓
淑氣冲和無所欠
殘骸舒卷更何愁
緬懷童冠詠歸趣
上下真同天地流

松泉幽處

日本僧龍吟菴名

禪師出世絕相尋
松茂泉甘地更深
齋罷從容煎活
水講餘瀟洒對清陰
真如自是無增減
參透何曾異
古今益鍊五門高
著眼明明佛祖有傳心

松泉幽處遠塵局
竹杖銅瓶丈室清
長老勤修願入
定沙彌習慣喜看經
林風淅淅吹雲散
溪月暉暉照榻明
直欲共參真境界
若為飛渡海冥冥

次韻呈永嘉大斯文

俊逸詞華律自高
精劉筆勢出群豪
興來邀客頻投轄
靜裏觀棋任竊挑
共說謝安多重望
更憐公重似
醪醕久居城市無塵想
何必區區海上逃

成判書妻氏挽詞

同年素谷少相親
不減前賢雷與陳
屢合論文狂散友
幾煩主饋大夫人
三從善處彝倫變
一德無違婦道淳
喜見高門臨玉樹
忽聞奔月倍傷神

太宗殿下挽詞

聖祖龍飛起海東
翊扶熙運就神功
謳歌之啓天人合
禮樂從周德業隆
耕鑿四方開壽域
陶鈞一世振文風
鼎湖寂寞留弓劍
攀附無由恨莫窮

送慶尚道水軍都體察使朴公墓

昔臨南服振威名今鎮東溟協衆情豈獨樓船同快
鵬也知雄劍斬長鯨令嚴貔虎二群肅風靜琉璃萬
頃平遙想滿天涼月白賦詩吟罷繫仍橫

金判敦寧挽

諱九純

忠烈諸孫多雋賢敦寧一派好相傳早承家法能恭
儉井接天潢罕古先共謂將為舟楫用俄驚正遇巳
辰年世間存沒誰真妄地下當觀所以然

甲辰冬到廣寧城南驛同天使程公鉉起程赴

京

北風吹雪洒霏霏幸伴皇華向紫微虜騎敢能行草
竊使星元自近天威海無驚浪千尋靜雲在長空五
色飛何日明庭參盛禮仰瞻金殿舞垂衣

次許孔巖韻

文會華堂古意深香烟輕颺雜檀沉不煩謝傳遊山
寂寞閑愛坡仙伴鳥吟照眼新梅披皓袂盈樽美酒溢
黃金興來更促台星座照代清歡勝竹林

左相黃公母氏挽詞

老子宗班聳播紳天教應數出忠臣高門豈獨于公
慶盛德之無疆母隣通籍諸孫揚宦路兩髦全節動
詩人之知無憾重泉下終始哀榮過八旬

李司尹妻氏挽

淑慎柔嘉德不斷宜家主饋百年期忽催奔月仙遊
遠便見浮雲世事非冥冥幽堂誰奉祀蒼茫天道實
無知秋風瑟瑟吹丹旄衰草斜陽滿月悲

次孔巖許漢城詩韻仍叙懷

詩壇到處筆為耕更把琴棋寄雅情
訓誨始與醫女學期願終保世家聲
自憐乖氣交攻甚誰問殘年大瘦生
正值明時無少補陳駒光景骨常驚

梅叟詩卷得高字許判事考

文敬諸孫世珥貂青相相繼幾英豪
野處慈惠人皆感梅叟清脩節自高
聖主求賢如不及良才晦迹竟難逃
鵬程萬里從今始知有任城贈佩刀

任城一作觀照

次喜兩亭詩韻

新開亭榭倚峯頭檻外郊原麥已秋
暇日登臨多所樂百年身世更何憂
省耕玉輦移時駐帶雨江雲接

地浮寵錫佳名仍志喜高懸彩扁映芳洲

鄭漢城挽章

總角情親至背鮐人間豈獨有陳雷
鼇山共被森如昨甘露交歡久未追
白首每誇俱享壽黃泉奄隔不勝哀
承家賴是蘭庭秀餘慶鵬程萬里開

次驪興清心樓詩韻

扁舟駕浪好風端勝景將書却厚顏
衮衮長流開闢水重重高聳古今山
生涯欲付江湖裏世網難逃祿間賴
有主人能置酒暫偷樓上一宵閑

七言排律一首

次永嘉君賦雪

玉塵終日落紛紛天上蒼華借十分
逐吹自如投隙

八打窓時好擁爐聞燕燕冰筋落髮雲烏衣銀絲柳
映門梁苑詞臣曾獻賦蘭齋居士不能文監國道擁
愁遷客黃竹詩傳識聖君塵境欽然成巨麗瓊瑤無
奈有奇芬豐稔可見益梅用壯觀交應鵲鷺群孟浩
南歸滯家洛下堂相對詠胡雲古人意氣餘詩句今
我吟哦向夕曛賴有舊歌留樂府錄尊臨合醉紅裙

亭齋先生詩集卷之四

七言絕句一百十五首

月下看梅

梅花正發月華明
踏月看梅步步清
最是乾坤奇絕處
夜深長嘯不勝情

遣懷

朝出金門暮海壖
男兒性命也堪憐
有時內省却自遣
老眼分明頭上天

登億景臺在完山

登臨四顧乾坤豁
感極情懷却未平
一點難符何處是
白雲終日向東征

時宋君在慶州

西塞茫茫接海天
烟雲變態幾經年
空聞昔日通商

東坡先生集卷之四
賈來泊蘇杭萬里船

偶題

客裏情懷難自遣
每沽春酒不論錢
醉鄉別有閑天地
築吾將駐酒泉
飽經人世事蹉跎
又見光陰促歲華
直欲超然浮海去
一聲烟月濯纓歌

夜坐

夜深無寐寸心明
月照乾坤萬像清
大將連營屯曉
綠熱鬚愁坐一書生

詩國兵皆集義州

登四大寺樓次板上韻

架巖巖鑿壁起高樓
樓下清溪碧玉流
自昔登臨消暑
地幾番歌舞幾瓊羞

贈遁山禪師

水雲深處縱栖禪
察得真如識取先
性命肯隨師道
異古今風月本同天

諄諄不倦擊童蒙
寶輔斯文亦有功
已見人倫難滅
盡可堪霞衲老山中

贈別按部柳公

時謫居完山 蒙赦還鄉

明公攬轡觀風日
賤子傷心賦鵬時
在沐旌麾顙顙
問不知漂泊在邊陲
雲收海上好風微
曉日曛曛瑞霧飛
告別豈堪留頃
刻歸心正迫老萊衣

讀春秋

先王四百餘年事
夫子傷麟一筆端
廢貶斥言徒忘

晦無人觀感正心宮

遣懷

百年人物過如風脩短同歸一夢中但覺此身當順
事不須丹竈問仙翁

茅茨亦是蔽寒風爐火仍無暖室中莫道貧居無興
味屢將樽酒對隣翁

偶題

地僻何人肯見尋鳥鳴求友相成林困眠飢食無餘
事報答君恩只此心

范滂

黨錮諸人一世良忠言感激願埋滂肯因成武穆
守千載高名並有陽

新法

荆公無柰惡功口奚取朝章盡變更端禮石碑徒屹
立至今溫國有仁聲

村居四節用牧隱韻

春

和柔懶困氣浮空萬物生成大化中寂寞山村看更
僻杏花開遍倚東風

夏

火傘張炎蔽大空幾人愁殺在爐中堪誇樹密溪深
處赤足當流滿面風

秋

滿山紅樹欲焚空山下人家錦繡中笑殺心悲搖落

客何如大熱與清風

冬

慘慘雲翹雪滿空悠揚萬鶴舞庭中
人間富貴誰如我玉樹瓊林倚晚風

無田用宋賢詩韻

故里無田可得歸每思萍迹輒蹙眉
誰人剩有桑麻地乞與先生不失時

聞陶齋學士復職知經筵奉寄以賀

天門渺渺五雲橫白日明明一氣清
想得楚筵常置醴幾多長策佐昇平

元日謁訥村

訥村道氣老彌和順序怡然開歲華
後飲屠蘇誰不

賀人生七十又今過

訥村詩并附

吾向吾鄉見棘人克家忠孝兩全身
屢徵不仕誠切名望孤高更絕倫

德州途中

芳草初齊綠錦茵
早花添作繡文新
牧童閑坐仍橫笛
便是唐虞皞皞民

鳳陽府途中寒食

滿城寒食逼清明
零落風花萬點輕
縱使歸人仍舊俗
鞦韆處處像昇平

蓬萊閣

蓬萊高閣臨滄海
海上三山若箇邊
欲棹扁舟尋得

去浪翻風壯意茫然

山東山北海連天利涉須憑萬斛人
手令人重憶傳巖賢

沙門島待風

四面蒼波一點山崇興
得日向僧窓往復還

海雲無日不沉流
月坎園花木幾時三

枇杷

嘉果纏枝萬月圓
去種向山
莫恠寒威

到作定

往時將命過淮邊
綠髮朱顏正少年
今日重來兩鬢雪
倚舷臨水意茫然

用許孔巖閑中有感詩韻孔岩名巖

世路安老已飽看
閑居正合養疎頑
三來意味誰知得
坐對清江倚碧山
床頭詩書不復看
眼前兒女任鴛鴦
項子期已沒
竊誰辨千載寥寥只海山

江村遣興

從古長江入海流
杖藜舒嘯步江頭
困眠飢食義皇世
何用敲針作釣鉤
為人性僻愛清閑
手把漁竿立小灘
汀畔鷗鷺如有忌
只緣曾不慣相看

鐵嶺

丁亥七月受東坡命有是行

崩崖絕澗愜前聞北塞南州道路分
回首日邊天字淨望中還恐起浮雲

磨天嶺

晨登絕頂近天閭俯視扶桑顯氣渾
獨據一方無所歎雖非五岳亦為尊

昭招殿致齋次板上詩韻

服此上衣并下裳皇天賦與正難忘
禮當至敬無文飾一炷清香一炷香

清夜寥寥鶴鼓聲燈花欲盡已殘更
靜思大道玄真妙心自無塵一寸明

庚寅七月承命詣慶源遷德安兩陵奉安于咸

州

山陵渺渺隔磨天祀事難教盡吉蠲仁孝聖君深得計是非人議謾紛然

亂後無人數日程孤軍深入慶源城書生豈是平戎手只仗丹心一寸行

昔日山戎謁我行競持觥酒露深情今來一境人烟斷城郭秋風鳥獸聲

水復山重草樹深攀緣幾度越欽峯祥宮穩過磨天嶺志喜裁詩獨自吟

病中聞杜工曹子青李永陽膺往龍山江

江花灼灼草芴菲想見江頭坐翠羣微病客無聊蒼日永卧看林鳥引雛飛

春光著物靄如雲
啼鳥還同舊日聞
行樂故人須秉燭
滿城桃李可離群

到鄉山拜掃先塋
後留宿姑村舊庄
傷裴訥村仙去因賦二絕

桑柘扶疎遶屋邊
眼中泉石揔依然
自憐昔日鴟車者
白首貂蟬祭祖先

父老相邀勸酒觴
獻酬歡極默悽傷
訥村寂寂留庭樹
依舊舊清秋葉醉霜

次雙梅先生紅梅詩韵

粲粲仙娥白玉肌
却來城郭淡粧施
只緣隨俗變顏色
冰雪精神肯自移

甲州

過盡松杉舊蔚間孤城寄在巨川灣向來龍俗蜂蟻
地今日諸生學孔顏

次朝廷使臣祝少卿所畫宋君家屏畫鴈圖

詩韻

祝氏傳神鴈虎頭屏間咫尺見滄洲蘆花鴈影同千
古多少人悲白髮秋

重送詹長老遊金剛山

金剛天下盡知名削立群峯雪色明佛祖至今留勝
迹飄然一鉢美師行

入山海衛關門

方千里九是中原西北羌戎雜種繁誰識秦皇功亦
大域民今古保關門

城頭晚望

松棘成林作外城
炊烟樵唱象昇平
川流帶繞山環
合坐到昏鴉萬古情

寄法林月窓會長

法林精舍每關心
脩竹長松滿地陰
他日當成後三
笑夜窓羅月聽猿吟

遣懷

梵宮冷落滿庭苔
白板窗扉畫不開
日用閑眠半飲
食時時燕喚主人來

十載奔馳紙上名
僧窓此日欲忘情
夢魂不識身無
用每繞天門拱聖明

宦海無涯到海難
浮沉千古幾波瀾
十年形役同春

夢老卧鄉山膽尚寒

豈獨人能見肺腸小鳥巾上即蒼蒼由來居易吾家
事自有真情久必彰

理

無聲無臭與初終作主形形色色中不見至情真實
處世人難免墮虛空

心

一寸初從靜裏明餘輝能感輔裁成請看春氣中和
極萬物敷榮且發聲

氣

至到至粹浩無窮與理相依妙用通嘆息乘除紛萬
變聖人憂患幾時終

讀寇萊公傳

掃竹誠心感上清可憐公議不分涇特書賴有傳青
簡千載名華並日星

偶題

拙計唯思守準繩謂將匡輔是誰能窮途顛覺前非
甚却恠癡心尚不懲

砧村四詠

春山躑躅

地僻人稀古木稠春來山水轉清幽每邀隣老從花
下共酌溪流欲盡頭

夜雨梧桐

移枝承雨葉聲低獨坐悠然到曉雞華值文明周室

代仔看丹鳳一來棲

竹塢風炯

脩竹搖風節自堅
淡烟橫碧更嬋妍
群居不倚清無累
與可賢君豈偶然

梅軒雪月

雪裏高標絕點塵
玉為筋骨水為神
參橫月白乾坤靜
細細清香滿面春

謝法林都僧統惠圓扇

上有君親下妻子
人間熱惱欲逃難
幸蒙開示揮涼術
從此應消毒火殘

每當朱夏千金重
繞到清秋一葉輕
自古乘除只如此
須知順事沒吾寧

謝月窓會長惠炷香

新樣名香出法林，嫩條長直氣如沉。
明窓靜對銅爐小，讀易時時更洗心。

砧村即事

花紅草碧水東流，信命逍遙萬事休。
獨坐獨行無味客，困眠飢食送春秋。

秋日盡室遊草谷溪邊

芒鞋竹杖引兒孫，對酒臨溪日色溫。
貴賤悲歡都不管，怡然自負醉鄉尊。

具妻孥又有孫，衡門亦是送寒溫。
已知隨處當安小，肯爲傍人妄自尊。

三月三日憶舊里興寧先生

興寧生日是今晨滿院紅旄照眼新花下年年開
席天教獨占太平春
琳琅一箇照昏晨具慶堂前白日新壽席樂回添坐
客百花香裏聽陽春

寄浩亭先生大斯文

否運年來值計羅不堪人事盡蹉跎只嫌寸之夷吾
比後世寧無斂叔牙

鄉校學生陪釋奠膳酒來

宣尼曾不致膳竹野老何期分外榮肯與學生相對
醉醒來益感世文明

偶題

不量才德不謀身事業常期做古人自詒格天誠未

至暮途窮迫楚江濱

書懷

功微祿厚懼災生謹職無心為己營又不善交誰愛
惜老閑村舍感君明

達元侯守衛人畚下還鄉者來止畚上曰成

絕

元陵關運記愚臣拂拭前朝雲雲置身欲拜鼎湖無路
去看人址上淚霑巾

偶題

瘡全仍無應卒才誰將驚直疾邪回非非是是人間
聖王色容保才村

謝月窓惠全紋

生且體多不直官却因烹熟下令有虧恩

憂病年來感恨長

拜受山家果昨嘗鮮煩通汗荷牙香瓊蔬可備金盤
用回首六厨裏路長

登星山感古

紫芝之藟藟遍山陽柔嫩新苗手摘嘗因憶漢初商顏
光時清何獨不勤王

黃庭居士寄詩戒予養次示韻

對策當年共作賓閑忙乘隔十餘春紫書忽自黃庭
至始識弘仁院主人

弘仁院主絕明從後養精神已就功為同此心能盡
未若石邊偏處即非中

氣數循環未嘗遠自然消長萬千子孫
復幾修無心學少年

復用前韻寄黃庭

深居一室不憂寒暑氣序推遷之已春
宿願懷重冠浴沂人

七真仁覆欠中道感應能令壽三千
後三傳機要教集年

故鄉安坐 聖恩洪深愧曾無尺寸功
祝壽每燒沉麝對小爐中

聞錦川黃城作左右相書而賦之

焚理真子得教忠 恩傾雨露四方同
江水廣闊心安樂在中

鳳沼亨衢接鐵城世傳經術秉鈞衡高才正與明時
會公道天開萬姓寧

即事

四面青山碧玉環涼風常在竹林間小樓高壓春園
靜花氣晴薰蛺蝶閑

有感

汲黯直言由本性婁公不語豈他心賈生流慟知何
意毀譽乘除自古今

世路危機不一揆聖賢猶未免猜疑凡愚此老大可
笑自負忠誠天地知

聞官軍攻對馬島殘寇窮無所走潛兵林藪間
盡銳突出人人殊死戰官軍稍稍引退獨李孫

制順崇逆擊敗之作詩志喜

窮寇橫衝一鳥輕三軍氣奮欲回兵
共稱飛將提全旅特立摧鋒不自驚
與敵軍爭豈可輕好謀能懼又知兵
平時驕縱無成笑卒遇奇鋒鮮不驚

奉謝興寧大先生惠祖十斛

末路誰憐此老貧相猜不啻不相親
仁人厚惠同困指傲吏無由說涸鱗

憶騎牛居七

白頭多病卧荒村屈詰朋知半九原
宦海波濤風不止淡交終始幾人存

月窓會長惠扇子并詩次韻奉謝

松竹陰中澗水聲幾思禪榻十分清感師幻出涼風
便分及村翁拂小楹

竹窓月色竹風聲靜坐觀空念念清老我未能逃世
網殿聞黃雀聒簷楹

東安江

晝夜長江走不休源頭竹嶺限南州
泝流何日臨層巘一望三山一寫憂

僕以不肖妄發言忤旨聖上猶不重譴許歸
故鄉又人々妻孥完聚異恩至渥蓋憐臣愚拙記
臣勞舊也不勝感激吟成一絕

為農敢鄙樊遲稼巡圃勤鋤邵子瓜祝效華封常拜
手殘年聖澤亦渾家

次永嘉君賦雪詩

悠揚萬鶴舞林間
處處依稀玉洞居
始信瓊樓簡齋
老真知富貴不永餘
田家喜氣滿村閭
共說民將樂業居
認得詞人歌咏
趣愛君憂國赤心餘

次早梅詩

冰魂暗逐一陽回
玉立仙娥笑臉開
為報主人多辦
酒黃昏月下更傾盃
不假馳驅驛使回
可憐瓊蕊近人開
明窓淨几閑相
對細細香浮竹葉盃

哭呂判書

童稚相親至老成
榮枯只是弟兄情
京華敢避西州

路每憶山陽笛一聲

猗蘭奕葉映庭中
玉樹相輝正氣同
揚歷七旬多事
業一朝千載旋成空

甲辰九月奉使赴燕京賀
洪熙皇帝登極

洪武建文永樂間
屢承綸命觀天闕
觀光誰似吾今
過兩眼親瞻四聖顏

賞客軒早梅

梁粲瓊妃巧剪裁
昔人多愛映溪迴
如今相見朱門
裏天為和羹日雪開

登赤登院樓
沃川

往來行旅日千千
爭渡江頭一隻船
更上赤登樓上
望白鷗閑泛鏡中天

六言

和光 僧菴名

色色形形孰真至真極處無極何須獨往青山月照
乾坤俱白

言齋先生詩集卷之四終

丁亥春

先府君將歸省松楸歸在靈山桂城

村男

往觀焉於宗兄釋家得

先祖亨齋文

景公遺書一本敬玩三復如獲拱壁及東京城

手自繕寫而巾行之以寓羹牆之慕壬辰之亂

都城不守盡室流離先祖遺書散失於兵火

中往來丁懷者有年矣己亥秋余寓科第以訓

鍊都監郎子持草記朝文于政院一日有人說

亨齋先生集在奎堂者即從李學士而泰來之閱

之數月不置其古律詩若干篇皆仙里亨齋金先

生所編次而惜乎雜著三篇手草在諸不盡傳於

世也庚子春以記事官待罪翰苑謄諸一冊又

求仙里亨齋先生所著序文外其卷者未及備正

原亦旋失慨然竊冀者久矣暨壬子冬八且騎
省公務之暇與一二宗姓證定之訛舛更加精厲
畧書題末以識之暨丁巳冬接節閩東遂錄于
梓里壽其傳焉六世孫通政大夫守江原道觀
察使兼兵馬水軍節度使魏敬書于原城客舍


萬曆四十六年二月下諭 被正七代孫 興仁


惟我先祖亨齋文景公鬼勲碩德炳烺國乘
文章亦多編於東文選箕雅而遺集如千卷行
于世佔畢齋弁序發揮之猗歟偉哉可謂不朽盛
事板本重刊藏諸安峯影堂者百年餘矣不肖南
來敬玩則字畫漫漶譬如隋珠崑玉塵埋苔蝕摩挲
感歎抑日月浸久則黝昧堙晦是懼遂付剞劂氏補刊
其甚剝弊者歸以藏弁之仍略識顛末焉

丁巳杪秋後孫應協謹識

新齊集卷之四

二





集詩齋

亭